

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10 i 3/23), a u vezi sa članom 3. Zakona o utvrđivanju i obilježavanju Dana Zeničko-dobojskog kantona („Službene novine Zeničko-dobojskog kantona“, broj 6/13), na prijedlog Stručne službe Vlade, Vlada Zeničko-dobojskog kantona, na 34. sjednici, održanoj dana 05.07.2024. godine, d o n o s i

ZAKLJUČAK

I.

Utvrđuje se Program obilježavanja Dana Zeničko-dobojskog kantona za 2024. godinu, koji čini sastavni dio ovog zaključka.

II.

Program iz tačke I. ovog zaključka sa Prijedlogom Odluke o potvrđivanju Programa obilježavanja Dana Zeničko-dobojskog kantona za 2024. godinu, dostavlja se Skupštini Zeničko-dobojskog kantona u dalju skupštinsku proceduru.

III.

Zaključak stupa na snagu danom donošenja.

Broj: 02-_____/24
Datum, 05.07.2024. godine
Zenica

PREMIJER

Nezir Pivić

DOSTAVLJENO:

1x Stručna služba Vlade,
1x Skupština Zeničko-dobojskog kantona,
1x Svim ministarstvima i drugim tijelima kantonalne uprave,
1x a/a.

Na osnovu člana 3. stav 1. Zakona o utvrđivanju i obilježavanju Dana Zeničko-dobojskog kantona ("Službene nobine Zeničko-dobojskog kantona", broj: 6/13), Vlada Zeničko-dobojskog kantona, na 34. sjednici, održanoj dana 05.07.2024. godine, d o n o s i

**PROGRAM
OBILJEŽAVANJA DANA ZENIČKO-DOBOJSKOG KANTONA
za 2024. godinu**

I) Polaganje cvijeća na spomen obilježju koje je najbliže sjedištu Kantona

Datum: 29.08.2024. godine (četvrtak)

Vrijeme: 09,00 sati

Mjesto: Zenica

Nosioci aktivnosti: Predsjedavajući Skupštine i Ured premijera.

II) Prijem kod predsjedavajućeg Skupštine Zeničko-dobojskog kantona i premijera Kantona za predstavnike boračkih udruženja, udruženja logoraša, civilnih žrtava rata i drugih udruženja proizašlih iz rata zajedno sa ministrom Ministarstva za boračka pitanja i članovima Skupštine Zeničko-dobojskog kantona

Datum: 29.08.2024. godine (četvrtak)

Vrijeme: 09,30-10,55 sati

Mjesto: Sala 301 Anex-a zgrade sjedišta Kantona u Zenici

Nosioci aktivnosti: Ured premijera, Stručna služba Skupštine, Ministarstvo za boračka pitanja (za *pozivanje predstavnika boračkih udruženja*), Ministarstvo za rad, socijalnu politiku i izbjeglice (za *pozivanje predstavnika udruženja logoraša, udruženja civilnih žrtava rata i drugih udruženja proizašlih iz rata*).

III) Svečana sjednica Skupštine Zeničko-dobojskog kantona

Datum: 29.08.2024. godine (četvrtak)

Vrijeme: 11:00 sati

Mjesto: Sala 301 Anex-a zgrade sjedišta Kantona

Sadržaj svečane sjednice:

Uvodna riječ predsjedavajućeg Skupštine,

Intoniranje himne Bosne i Hercegovine,

Prigodan govor Premijera Kantona,

Dodjela javnih priznanja Zeničko-dobojskog kantona.

Nosioci aktivnosti: Ured premijera i Stručna služba Skupštine.

IV) Zajednička posjeta Komisije za ravnopravnost spolova, ljudska prava i građanske slobode sa Komisijom za mlade Udruženju "Sumero" Zenica

Datum: 28.08.2024. godine (srijeda)

Vrijeme u terminu koji dogovore članovi Komisije za ravnopravnost spolova, ljudska prava i građanske slobode sa Komisijom za mlade i nosiocima ove aktivnosti.

Mjesto: prostorije Udruženja, ul. Armije BiH br. 16, Zenica

Nosioci aktivnosti: Ministarstvo za rad, socijalnu politiku i izbjeglice u saradnji sa Udruženjem

V) Posjeta Komisije za ravnopravnost spolova, ljudska prava i građanske slobode Koaliciji organizacija osoba sa invaliditetom Zeničko-dobojskog kantona

Datum: 28.08.2024. godine (srijeda)

Vrijeme u terminu koji dogovore članovi Komisije za ravnopravnost spolova, ljudska prava i građanske slobode sa nosiocima ove aktivnosti.

Mjesto: prostorije Koalicije, ul. Prve zeničke brigade br. 13 B, Zenica

Nosioci aktivnosti: Ministarstvo za rad, socijalnu politiku i izbjeglice u saradnji sa Koalicijom

VI) Posjeta Komisije za ravnopravnost spolova, ljudska prava i građanske slobode Javnoj ustanovi “Dom za stara lica” Zenica

Datum: 28.08.2024. godine (srijeda)

Vrijeme u terminu koji dogovore članovi Komisije za ravnopravnost spolova, ljudska prava i građanske slobode sa nosiocima ove aktivnosti.

Mjesto: prostorije Ustanove, ul. Crkvice broj 48 A, Zenica

Nosioci aktivnosti: Ministarstvo za rad, socijalnu politiku i izbjeglice u saradnji sa Ustanovom

VII) Posjeta Komisije za ravnopravnost spolova, ljudska prava i građanske slobode Javnoj ustanovi Centar za djecu i odrasle s posebnim potrebama Zeničko-dobojskog kantona – Dnevni centar Žepče

Datum: 28.08.2024. godine (srijeda)

Vrijeme u terminu koji dogovore članovi Komisije za ravnopravnost spolova, ljudska prava i građanske slobode sa nosiocima ove aktivnosti.

Mjesto: prostorije Ustanove, ul. Novo naselje bb, Žepče

Nosioci aktivnosti: Ministarstvo za rad, socijalnu politiku i izbjeglice u saradnji sa Ustanovom

VIII) Posjeta Komisije za mlade Javnoj zdravstvenoj ustanovi Zavod za bolesti ovisnosti Zenica

Datum: u periodu od 26.08. – 28.08.2024. godine

Vrijeme u terminu koji dogovore članovi Komisije za mlade sa nosiocima ove aktivnosti.

Mjesto: prostorije Ustanove, ul. Abdulaziza Aska Borića br. 28, Zenica

Nosioci aktivnosti: Ministarstvo zdravstva u saradnji sa Ustanovom

IX) Posjeta Komisije za mlade Javnoj ustanovi “Dom – porodica” Zenica

Datum: u periodu od 26.08. – 28.08.2024. godine

Vrijeme u terminu koji dogovore članovi Komisije za mlade sa nosiocima ove aktivnosti.

Mjesto: prostorije Ustanove, ul. Crkvice br. 20 C, Zenica

Nosioci aktivnosti: Ministarstvo za rad, socijalnu politiku i izbjeglice u saradnji sa Ustanovom

X) Prvi školski časovi školske 2024/2025. godine, septembar 2024. godine

- Čas historije o Kulinu Banu -

Datum: Početak školske 2024/2025. godine

Vrijeme: Prvi časovi školske 2024/2025. godine

Mjesto: Osnovne i srednje škole na području Zeničko-dobojskog kantona

Nosioci aktivnosti: Ministarstvo za obrazovanje, nauku, kulturu i sport (Pedagoški zavod).

Broj: 02- /24

Datum, 05.07.2024. godine

Zenica

PREMIJER

Nezir Pivić

DOSTAVLJENO:

1x Stručna služba Vlade,

1x Skupština Zeničko-dobojskog kantona,

1x Svim ministarstvima i drugim tijelima kantonalne uprave,

1x a/a.

PRIJEDLOG

Na osnovu člana 18. Ustava Zeničko-dobojskog kantona („Službene novine Federacije BiH“, broj: 7/96, „Službene novine Zeničko-dobojskog kantona“, broj: 1/96, 10/00, 10/00, 8/04 i 10/04) i člana 3. Zakona o utvrđivanju i obilježavanju Dana Zeničko-dobojskog kantona („Službene novine Zeničko-dobojskog kantona“, broj 6/13), Skupština Zeničko-dobojskog kantona, na __. sjednici, održanoj dana __. __. 2024. godine, d o n o s i

ODLUKU

o potvrđivanju Programa obilježavanja Dana Zeničko-dobojskog kantona za 2024. godinu

I.

Potvrđuje se Program obilježavanja Dana Zeničko-dobojskog kantona za 2024. godinu.

II.

Sastavni dio ove odluke je Program obilježavanja Dana Zeničko-dobojski kantona za 2024. godinu.

III.

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01- _____ /24
Datum, __. __. 2024. godine
Zenica

PREDSJEDAVAJUĆI SKUPŠTINE
Čazim Huskić

DOSTAVLJENO:
1x Stručna služba Skupštine,
1x „Službene novine Zeničko-dobojskog kantona“,
1x a/a

O b r a z l o ž e n j e

Pravni osnov

Članom 3. Zakona o utvrđivanju i obilježavanju Dana Zeničko-dobojskog kantona („Službene novine Zeničko-dobojskog kantona“, broj: 6/13) propisano je „Program obilježavanja Dana Kantona donosi Vlada Zeničko-dobojskog kantona svake godine. Nacrt Programa sačinjavaju Komisija za ravnopravnost spolova, ljudska prava i građanske slobode, Komisija za boračka i invalidska pitanja i Komisija za mlade na prijedlog kantonalnih ministarstava i drugih tijela kantonalne uprave. Nacrt Programa sadrži: naziv programa, mjesto i vrijeme održavanja i nosioca aktivnosti-organizatora i dostavlja se Vladi Zeničko-dobojskog kantona najkasnije do 01. juna tekuće godine. Program potvrđuje Skupština Zeničko-dobojskog kantona najkasnije do 31. jula tekuće godine.“

Razlozi donošenja

U skladu sa članom 3. Zakona o utvrđivanju i obilježavanju Dana Zeničko-dobojskog kantona („Službene novine Zeničko-dobojskog kantona“, broj: 6/13) ovlašteni predlagači: Komisija za ravnopravnost spolova, ljudska prava i građanske slobode, Komisija za boračka i invalidska pitanja i Komisija za mlade, zajednički su sačinili Nacrt Programa obilježavanja Dana Zeničko-dobojskog kantona i dostavili ga u dalju proceduru.

Kako se Program potvrđuje od strane Skupštine Zeničko-dobojskog kantona najkasnije do 31. jula tekuće godine, Vlada Zeničko-dobojskog kantona se o istome izjasnila i utvrdila Program obilježavanja Dana Zeničko-dobojskog kantona za 2024. godinu, te isti uputila u dalju skupštinsku proceduru na potvrđivanje.

Finansijska sredstva:

Navedeni realizatori pojedinih aktivnosti osigurat će finansijska sredstva u okviru svojih budžetskih pozicija.

PREDSJEDAVAJUĆI SKUPŠTINE

Ćazim Huskić